

আপন আলোয় উদভাষিত : জনতা আদর্শ গ্রাম উন্নয়ন সমবায় সমিতি লিঃ

শুরু যে ভাবে :

একই আদর্শে উজ্জীবিত হয়ে সমন্বিত প্রচেষ্টার মাধ্যমে গেল শতকের আশির দশকে ডুমুরিয়া উপজেলাধীন প্রত্যন্ত অঞ্চল খুকড়ায় সমবায় মনোভাবাপন্ন মানুষ যখন সমবায় ব্যাংকের কৃষিক্ষণ নির্ভর, মানুষ যখন ঋণ প্রাপ্তির প্রতিযোগীতায় সামিল ঠিক সেই সময় ১৯৮০ সালের ১ জানুয়ারী ৩ জন উদ্যোক্তা সংগঠক সরদার এমান আলী, এস এম গোলাম কুদ্দুস ও এস এম মুস্তাকিম বিল্লার নেতৃত্বে ১৩ জন সমবায় আদর্শে অনুপ্রাণিত স্বপ্ন বিলাসী মানুষ দিন বদলের প্রত্যয় নিয়ে মাত্র ১৩০/- টাকা মূলধন সংগ্রহ করে ১৯৮৪ সালে “জনতা আদর্শ গ্রাম উন্নয়ন বহুমুখী সমবায় সমিতি লিঃ” প্রতিষ্ঠা করেন যা সমবায় বিভাগ হতে ০৭/০৮/১৯৮৪ খ্রিঃ তারিখে নিবন্ধন প্রাপ্ত হয়। সমিতি গঠনের মূল উদ্দেশ্য ছিল সাধারণ মানুষকে মহাজনী সুদ হতে মুক্তি দিয়ে নিজেদের ভাগ্য নিজেই পরিবর্তনের মূলমন্ত্রে উদ্দীপ্ত হয়ে সঞ্চয় সংগ্রহ করা এবং তা উৎপাদনশীল কর্মকাণ্ডে বিনিয়োগের মাধ্যমে অর্থনৈতিক মুক্তি অর্জন। অনেক চড়াই উৎরাই অতিক্রম করে সমিতি বিভিন্ন আয়-বর্ধক কর্মসূচী গ্রহণ ও বাস্তবায়নের মাধ্যমে অর্থনৈতিক ভাবে শক্ত ভিত্তি গঠনের সক্ষম হয়েছে এবং কোন প্রকার ঋণ, অনুদান বা সাহায্য ছাড়াই এ পর্যন্ত প্রায় একশ কোটি টাকা মূলধন সৃষ্টি করেছে।

আর্থিক ক্রমবিকাশঃ

স্বল্প সংখ্যক সদস্য, স্বল্প পুঁজি নিয়ে শুরু করলেও ২৬ বছরেই সমিতিটি সদস্যদের অর্থনৈতিক ভাবে স্বাবলম্বী করাসহ সামগ্রিক উন্নয়নের মাপকাঠিতে শীর্ষে উঠে এসেছে। বিগত তিন বছরের আর্থিক উন্নতির তুলনামূলক চিত্র নিম্নে তুলে ধরা হ'ল।

ক্রঃনং	বিবরণ	২০১৯-২০২০	২০২০-২০২১	২০২১-২০২২	মন্তব্য
১.	শেয়ার মূলধন	৩,৭৩,১৮,০২০	৪,০৪,৬৬,০২০	৪,৬৩,৫৩,৯০০	
২.	সঞ্চয় আমানত	৩৪,৪৮,৩৩,৯৩৪	৪৩,২৭,৯৪,৭৩৩	৫২,৬৯,২৪,৭৭১	
৩.	নীট লাভ	৯৯,৫৪,৫১২	১,৪০,৪৫,৫৮৫	অডিট চলমান	
৪.	লভ্যাংশ বন্টন	৬৯,৫৮,৯২২	৯১,৭১,২০৩	অডিট চলমান	
৫.	কর্জ পাওনা	৬,৮১,৩১,৪০০	৫,৬২,৬৯,০৫০	০	
৬.	সিমেন্ট এজেন্সি হতে বিনিয়োগ	৬,০০,০০,০০০	৭,০০,৪২,০০৬	১০,০০,০০,০০০	
৭.	মৎস্য প্রকল্পে বিনিয়োগ	১,০০,০০,০০০	১,৫০,০০,০০০	২,০০,০০,০০০	
৮.	কম্পিউটার প্রকল্পে বিনিয়োগ	৮,১৮,০০০	১২,১৮,৫৮৩	১২,১৮,৫৮৩	
৯.	জনতা পিকনিক কর্ণার	৮,০০,০০০	৯,১০,০০০	১০,০১,৩৫৩	
১০.	জনতা স্কুল বিনিয়োগ	১৮,৩২,০০০	২২,৪১,৪১০	২৫,০০,০০০	
১১.	জনতা ফ্যাশন বিনিয়োগ	০	১,০০,০০,০০০	১,০০,০০,০০০	
১২.	জনতা গেস্ট হাউজ বিনিয়োগ	০	০	৫৬৮৩০৭৫	
১৩.	জনতা ট্রেডার্স (ফিস ফিড) বিনিয়োগ	১,৩৫,০০,০০০	২,৫০,০০,০০০	৪,০০,০০,০০০	
১৪.	জনতা ট্রেডার্স (কনজুমার্স) বিনিয়োগ	১,০০,০০,০০০	১,০০,০০,০০০	১,০০,০০,০০০	
১৫.	খানজাহান আলী ফিসারিজ বিনিয়োগ	০	৩,৭৫,০০,০০০	৩,৭৫,০০,০০০	
১৬.	জনতা ফিসারিজ বিনিয়োগ	১২,০০,০০০	১৪,৩৫,০০,০০০	১৮,৫০,০০,০০০	
১৭.	পরিবহন প্রকল্প বিনিয়োগ	২৮,৩৪,৮৩৬	২৮,৩৪,৮৩৬	২৮,৩৪,৮৩৬	
১৮.	মিক্সভিটায় বিনিয়োগ	০	৭৭,৫৫,২৭৪	৭৭,৫৫,২৭৪	

সমিতির উন্নয়ন কার্যক্রমঃ

সমিতির সদস্যদের এবং এলাকাবাসীকে বিভিন্ন আয়-বর্ধক ও উৎপাদনশীল কাজে সংপৃক্ত করার জন্য নিম্নে বর্ণিত প্রকল্প সমূহ চলমান আছে।

- ❖ গার্মেন্টস (জনতা ফ্যাশন) প্রকল্পঃ সমিতির নিজস্ব ১.৫একর জায়গার উপর জনতা গার্মেন্টস প্রতিষ্ঠিত হয়েছে। উক্ত প্রকল্প বাস্তবায়নে ব্যয় হয়েছে ১,০০,০০,০০০/-টাকা। উক্ত প্রকল্পে শতাধিক কর্মচারী কর্মরত। সমিতির উৎপাদিত পণ্য দেশে বিদেশে রপ্তানি করে বৈদেশিক মুদ্রা সমিতি অর্জন করেছে।
- ❖ মৎস্য প্রকল্পঃ সমিতির নিজস্ব জায়গার উপর এই প্রকল্প প্রতিষ্ঠিত হয়েছে। এ বছর এ প্রকল্পে বিনিয়োগের পরিমাণ ২০,০০,০০০/-টাকা। এ প্রকল্প বাস্তবায়নের মাধ্যমে প্রচুর মৎস্য সম্পদ উৎপাদিত হচ্ছে। যা দেশের এবং এলাকার জন সাধারণের আমিষের ঘাটতি পূরণে উল্লেখযোগ্য ভূমিকা রাখছে। এ প্রকল্পে ৫০ জন ব্যক্তির কর্মসংস্থান হয়েছে।
- ❖ কম্পিউটার প্রকল্পঃ সমিতির নিজস্ব ভবনে এ প্রকল্প চলছে। প্রকল্পে ১২,১৮,৫৮৩/-টাকা বিনিয়োগ আছে। এ প্রকল্প হতে বার্ষিক গড় আয় ১,৭৫,০০০/- টাকা। প্রকল্পে ৩ জনের কর্মসংস্থান হয়েছে।

আপন আলোয় উদভাষিত : জনতা আদর্শ গ্রাম উন্নয়ন সমবায় সমিতি লিঃ

- ❖ সিমেন্ট এজেন্সি প্রকল্প : সমিতি মেঘনা সিমেন্ট মিলস লিঃ এর কিং ব্রান্ড সিমেন্ট এজেন্সি গ্রহণ করেছে। এ প্রকল্প বিনিয়োগের পরিমাণ ১০,০০,০০,০০০/-টাকা। এ প্রকল্পে ২৪ জন লোকের কর্মসংস্থান সৃষ্টি হয়েছে।
- ❖ শেয়ার বাজারে বিনিয়োগ : সমিতি শেয়ার বাজারে ২,৯২,৭৯,৮৫২/-টাকা বিনিয়োগ করেছে। যা বর্তমান লাভ জনক খাত হিসাবে বিবেচিত। প্রকল্পে ৩ জনের কর্মসংস্থান হয়েছে।
- ❖ খানজাহান আলী ফিসারিজ ও ডেইরী ফার্ম প্রকল্পঃ সমিতি এ প্রকল্পে ৩,৭৫,০০,০০০/-টাকা বিনিয়োগ করেছে। এ প্রকল্পে বার্ষিক ৭৫,০০,০০০/-টাকা গড় আয় হয়। এ প্রকল্পের মাধ্যমে সমিতি খানজাহান আলী ফিসারিজ ও ডেইরী ফার্মের বিনিয়োগকৃত টাকা শেয়ার খরিদ করেছে। প্রকল্পে ১৮ জনের কর্মসংস্থান হয়েছে।
- ❖ জনতা ট্রেডার্সঃ সমিতি সিটি গ্রুপ থেকে খাদ্যসামগ্রী, ভোজ্য তেল, কনজুমার প্রোডাক্ট এর ডিলারশিপ গ্রহণ করেছে। এ প্রকল্প হতে সমিতি বার্ষিক গড় আয় ১০,০০,০০০/-টাকা। প্রকল্পে ৩২ জনের কর্মসংস্থান হয়েছে।
- ❖ জনতা কিডার গার্ডেন স্কুল প্রকল্প : এই প্রকল্পে সমিতির নিজস্ব জায়গায় দ্বি-তল বিশিষ্ট একটি বিল্ডিং এ এই স্কুলের কার্যক্রম চলছে। যেখানে মোট তিন শতাধিক ছাত্র/ছাত্রী লেখাপড়া করছে। এ প্রকল্পে মোট কর্মরত লোকের সংখ্যা ৪৮জন।
- ❖ হাসপাতাল প্রকল্পঃ এলাকার জনসাধারণের সু-চিকিৎসা ও দ্রুত চিকিৎসাসেবা দেয়ার উদ্দেশ্যে সমিতির ০৫ বিঘা জমির হাসপাতাল প্রকল্প এর কার্যক্রম চলমান।
- ❖ জনতা ফিসারিজ ডিলার কমিশন : এ প্রকল্পে মোট বিনিয়োগের পরিমাণ ১৮,৫০,০০,০০০/-টাকা। প্রকল্প হতে উল্লেখযোগ্য লাভ্যাংশ সমিতি আয় করছে। প্রকল্প সমিতির নিজস্ব জায়গায় বাস্তবায়িত হচ্ছে। প্রকল্পে ২২ জনের কর্মসংস্থান হয়েছে।
- ❖ বৃক্ষ রোপন প্রকল্প : এ প্রকল্পে সমিতির বিনিয়োগ ২,০১,৯১৯/-টাকা। সমিতির নিজস্ব জায়গায় এ প্রকল্প বাস্তবায়ন হচ্ছে। প্রকল্পে ২ জনের কর্মসংস্থান সৃষ্টি হয়েছে।
- ❖ পিকনিক কর্ণারঃ সমিতির নিজস্ব জায়গায় ১০,০১,৩৫৩/- টাকা বিনিয়োগ করে একটি আধুনিক পিকনিক কর্ণার স্থাপন করেছে। প্রকল্পে ৩ জনের কর্মসংস্থান হয়েছে।
- ❖ জনতা গেস্ট হাউজ : থুকড়া বাজার সংলগ্ন সমিতির নিজস্ব জায়গায় সমিতি জনতা গেস্ট হাউজ নির্মাণ করেছে। এ প্রকল্পে খরচ হয়েছে ৫৬,৮৩,০৭৫/-টাকা। গেস্ট হাউজ নির্মাণ কাজ চূড়ান্ত পর্যায়ে আছে। প্রকল্পের নিচতলায় একটি মার্কেট নির্মাণ করা হয়েছে। প্রকল্পে ৩ জনের কর্মসংস্থান হয়েছে।
- ❖ পরিবহন প্রকল্পঃ এ প্রকল্পে সমিতি ২৮,৩৪,৮৩৬/-টাকা বিনিয়োগ করেছে। ট্রাক একটি, পিকআপ দুইটি, আলমসাধু দুইখানা যা সমিতির মালামাল পরিবহনে ব্যবহৃত হয়। প্রকল্পে ১০ জনের কর্মসংস্থান হয়েছে।
- ❖ মিক্সভিটায় বিনিয়োগ : সমিতির নিজস্ব জায়গায় মিক্সভিটা এর সাথে ব্যবসায়িক চুক্তির ভিত্তিতে ৭৭,৫৫,২৭৪/-টাকা ব্যয়ে চিলিং সেন্টার নির্মাণ করেছে।
- ❖ জনতা ট্রেডার্স(ফিসফিড) : এ প্রকল্পে সমিতির উৎপাদিত পণ্য, মৎস্য খাবারের ফিস ফিড বিক্রি করা হয়। নিজস্ব ভবনে পরিচালিত প্রকল্পে ৪,০০,০০,০০০/-টাকা বিনিয়োগ করা হয়েছে। প্রকল্পে ৩ জনের কর্মসংস্থান হয়েছে।

কর্মসংস্থানঃ

সমিতির কার্যক্রম বিভিন্ন সেক্টরে থাকায় ব্যাপক কর্মসংস্থান সৃষ্টি হয়েছে। সমিতির সৃষ্ট কর্মসংস্থানে সমিতির সদস্য, সদস্যদের সন্তান ও এলাকাবাসীকে পুনর্বাসন করা হয়েছে। সমিতিতে বর্তমানে স্থায়ী কর্মচারীর সংখ্যা ২২৮জন। অস্থায়ী কর্মচারীর সংখ্যা ৪৫০ জন। এছাড়া সমিতির ভ্যান প্রকল্পে ১০জন। মহিলা প্রকল্পে ১২জন কর্মরত আছে। প্রতিষ্ঠানের কর্মী নিয়োগের ক্ষেত্রে বিজ্ঞপ্তি প্রকাশ করে নিয়োগ কমিটির মাধ্যমে নিয়োগ বিধি অনুসরণ করে দক্ষ এবং যোগ্যতার নিরিখে কর্মী নিয়োগ করা হয়।

অন্যান্য কার্যক্রমঃ বিভিন্ন উন্নয়ন প্রকল্প ছাড়াও সমিতি বিভিন্ন উন্নয়ন মূলক কার্যক্রমঃ

- ❖ এলাকার স্কুল কলেজের মেধাবীদের প্রতিবছর পুরস্কার ও বৃত্তি প্রদান।
- ❖ শ্রেষ্ঠ শিক্ষক নির্বাচন করে তাঁকে সম্মানিত করা।
- ❖ সমবায় আন্দোলনকে বেগবান করার লক্ষ্যে অন্যান্য সমবায় সমিতি গুলির সাথে আন্তঃসমবায় সম্পর্ক সৃষ্টি।
- ❖ এলাকার দুঃস্থদের আর্থিক সাহায্য, বিনামূল্যে চিকিৎসা সেবা প্রদান করে।
- ❖ মেধাবীদের বই খাতা ও অন্যান্য শিক্ষা সামগ্রী বিনামূল্যে বিতরণ করে।
- ❖ বিভিন্ন জাতীয় কর্মসূচী যেমনঃ বাল্যবিবাহ, স্যানিটেশন, পরিবার পরিকল্পনা, পরিবেশ সুন্দর রাখার জন্য সচেতনতা মূলক কার্যক্রম।

আপন আলোয় উদভাষিত : জনতা আদর্শ গ্রাম উন্নয়ন সমবায় সমিতি লিঃ

স্বীকৃতিঃ

সমিতির সফলতার স্বীকৃতি স্বরূপ বহুবীর খুলনা জেলার শ্রেষ্ঠ সমিতি হিসাবে পুরস্কার প্রাপ্ত হয়। সমিতির উদ্যোক্তা জনাব এস এম গোলাম কুদ্দুস ১৯৮৯ সনে জাতীয় সমবায় পুরস্কার স্বর্ণপদক প্রাপ্ত হন। ২০০৯ ও ২০২০ সালে সমিতিটি শ্রেষ্ঠ জাতীয় সমবায় সমিতি হিসাবে স্বর্ণপদক প্রাপ্ত হয়।

এ সমিতির সাফল্যে উজ্জীবিত হয়ে ডুমুরিয়া উপজেলায় অনেক সংখ্যক স্ব-উদ্যোগী ও আত্মনির্ভরশীল সফল সমবায় প্রতিষ্ঠান গড়ে উঠেছে। এলাকায় চাঞ্চল্য সৃষ্টি হয়েছে। জনতা আদর্শ গ্রাম উন্নয়ন বহুমুখী সমবায় সমিতি লিঃ এখন সমবায় অন্য প্রতিষ্ঠানের কাছে অনুসরণীয়, অনুকরণীয় হয়ে খুলনা জেলায় তথা সারা বাংলাদেশের সমবায় অঙ্গনে উজ্জ্বল দৃষ্টান্ত স্থাপন করেছে।

সরদার জাহিদুর রহমান
উপজেলা সমবায় অফিসার,
ডুমুরিয়া, খুলনা।

ফোন:- ০২৪৭৭৭-৩২১১৫

ই-মেইল: ucodumuria@gmail.com



সমিতির সবজি বাগানে কর্মরত শ্রমিক বৃন্দ

আপন আলোয় উদভাষিত : জনতা আদর্শ গ্রাম উন্নয়ন সমবায় সমিতি লিঃ



জনতা কিডার গার্ডেন স্কুল প্রকল্প এর শেণীকক্ষ পরিদর্শন করছেন অতিথিবৃন্দ।



গনপ্রজাতন্ত্রী বাংলাদেশ সরকারের মাননীয় প্রধান মন্ত্রী শেখ হাসিনা এর নিকট হতে জাতীয় সমবায় পুরস্কার গ্রহন করছেন সমিতির পক্ষে জনাব এস এম গোলাম কুদ্দুস।

আপন আলোয় উদভাষিত : জনতা আদর্শ গ্রাম উন্নয়ন সমবায় সমিতি লিঃ



সমিতির মৎস্য প্রকল্প হতে মৎস্য আহরণ করছেন সমিতির সদস্যবৃন্দ



জনতা ফ্যাব্রিকস এর কর্তব্যরত শ্রমিক কর্মচারীদের একাংশ

আপন আলোয় উদভাষিত : জনতা আদর্শ গ্রাম উন্নয়ন সমবায় সমিতি লিঃ



সমিতির উদ্যোগে নির্মিত মিল্কভিটার চিলিং প্লান্ট উদ্বোধন করছেন মিল্ক ভিটার মাননীয় চেয়ারম্যান জনাব শেখ নাদির হোসেন লিপু।

